

Қазақстан Республикасы Үкіметінің 2006 жылғы 15 наурыздағы N 167 қаулысына толықтырулар мен өзгеріс енгізу туралы

Қазақстан Республикасы Үкіметінің 2006 жылғы 20 қыркүйектегі N 892 Қаулысы

"2006 жылға арналған республикалық бюджет туралы" Қазақстан Республикасының 2005 жылғы 22 қарашадағы Заңының 20-бабын іске асыру мақсатында Қазақстан Республикасының Үкіметі **ҚАУЛЫ ЕТЕДІ** :

1. "Облыстық бюджеттерге, Астана және Алматы қалаларының бюджеттеріне білім беруге бөлінетін 2006 жылға арналған республикалық бюджеттің ағымдағы нысаналы трансферттерін пайдалану ережесін бекіту туралы" Қазақстан Республикасы Үкіметінің 2006 жылғы 15 наурыздағы N 167 қаулысына (Қазақстан Республикасының ПҮКЖ-ы, 2006 ж., N 9, 81-құжат) мынадай толықтырулар мен өзгеріс енгізілсін:

көрсетілген қаулымен бекітілген Облыстық бюджеттерге, Астана және Алматы қалаларының бюджеттеріне білім беруге бөлінетін 2006 жылға арналған республикалық бюджеттің ағымдағы нысаналы трансферттерін пайдалану ережесінде:

1-тармақ мынадай мазмұндағы екінші абзацпен толықтырылсын:

"015 "Облыстық бюджеттерге, Астана және Алматы қалаларының бюджеттеріне жалпы орта білім беретін мемлекеттік мекемелердегі физика, химия, биология кабинеттерін оқу жабдықтарымен жарақтандыруға берілетін ағымдағы нысаналы трансферттер";";

4 - т а р м а қ т а :

"кабинеттерді" деген сөзден кейін ", физика, химия, биология кабинеттерінің оқу жабдықтарын" деген сөздермен толықтырылсын;

"конкурсты" деген сөз "конкурстарды" деген сөзбен ауыстырылсын;

5 және 6-тармақтардағы "кабинеттердің" деген сөзден кейін ", физика, химия, биология кабинеттерінің оқу жабдықтарының" деген сөздермен толықтырылсын;

7-тармақтың 1) тармақшасындағы "кабинеттерді құруға" деген сөздерден кейін ", физика, химия, биология кабинеттерін оқу жабдықтарымен жарақтандыруға" деген сөздермен толықтырылсын.

2. Осы қаулы қол қойылған күнінен бастап қолданысқа енгізіледі.

Қ а з а қ с т а н Р е с п у б л и к а с ы н ы ң

Премьер-Министрі